

**Bosna i Hercegovina**

**Federacija Bosne i Hercegovine**

**KANTON SARAJEVO**

**Javna ustanova Terapijska Zajednica –**

**Kampus Kantona Sarajevo**

**POSLOVNIK**

**O radu Nadzornog odbora Javne ustanove Terapijska zajednica –**

**Kampus Kantona Sarajevo**

**Sarajevo, oktobar 2017.godine**

Na osnovu člana 44. Statuta Javne ustanove Terapijska zajednica – Kampus Kantona Sarajevo Nadzorni odbor Javne ustanove Terapijska zajednica – Kampus Kantona Sarajevo, na sjednici održanoj dana **30.05.2017.** godine, donosi

## **POSLOVNIK**

### **O radu Nadzornog odbora Javne ustanove**

### **Terapijska zajednica – Kampus Kantona Sarajevo**

#### **Član 1.**

Ovim Poslovníkom bliže se uređuje način rada Nadzornog odbora Javne ustanove Terapijska zajednica – Kampus Kantona Sarajevo ( u daljem tekstu : Nadzorni odbor ).

#### **Član 2.**

Nadzorni odbor svojim načinom rada obezbjeđuje ostvarivanje kolektivnog rada, odlučivanja, odgovornosti i ravnopravnosti svojih članova u pravima, dužnostima i odgovornostima.

Član Nadzornog odbora lično je odgovoran za vršenje svoje funkcije, u skladu sa svojim pravima i dužnostima za rad i odluke Nadzornog odbora.

#### **Član 3.**

Član Nadzornog odbora ima prava i dužnosti da prisustvuje sjednici Nadzornog odbora i da učestvuje u njegovom radu i odlučivanju.

#### **Član 4.**

Radi ostvarivanja svojih prava i dužnosti, član Nadzornog odbora informira se o pitanjima koja razmatra Nadzorni odbor kao i o drugim pitanjima od značaja za ostvarivanje zadataka Nadzornog odbora.

Član Nadzornog odbora ima pravo da traži objašnjenje i obavještenje kada mu je to potrebno radi vršenja njegove funkcije, te da bude redovno i blagovremeno informisan o svim pitanjima čije mu je poznavanje potrebno za vršenje dužnosti i ostvarivanje prava.

#### **Član 5.**

Član Nadzornog odbora ima pravo da predloži Nadzornom odboru razmatranje pojedinih pitanja na sjednici Nadzornog odbora. Nakon usvajanja dnevnog reda prelazi se na rad prema

utvrđenim tačkama dnevnog reda. Kraće obrazloženje o pitanjima koji su na dnevnom redu daje predsjednik, direktor ili zaduženi izvjestilac za tu tačku dnevnog reda.

Na sjednici se može diskutovati samo o pitanjima koja su na dnevnom redu sjednice, te se može diskutovati kada se dobije riječ od predsjednika.

#### **Član 6.**

Rad Nadzornog odbora je javan.

Javnost rada Nadzornog odbora obezbjeđuje se ostvarivanjem slobodnog pristupa sjednicama Nadzornog odbora, obavještavanjem javnosti o radu i aktivnostima Nadzornog odbora, podnošenjem izvještaja osnivaču, Upravnom odboru i direktoru Kampusu, o rezultatima nadzora i na drugi način utvrđen Statutom Javne ustanove Terapijska zajednica – Kampus Kantona Sarajevo ( u daljem tekstu : Kampus ).

#### **Član 7.**

Nadzorni odbor radi u sjednici.

O pripremanju i održavanju sjednica Nadzornog odbora stara se predsjednik Nadzornog odbora.

#### **Član 8.**

Predsjednik Nadzornog odbora saziva sjednice Nadzornog odbora po svojoj inicijativi, na osnovu zahtjeva direktora Kampusu, osnivača Kampusu, Upravnog odbora Kampusu i na obrazložen zahtjev člana Nadzornog odbora.

Sjednice Nadzornog odbora održavaju se prema potrebi.

#### **Član 9.**

Pismeni poziv za sjednicu Nadzornog odbora, sa prijedlogom dnevnog reda, dostavlja se članovima Nadzornog odbora najkasnije tri (3) dana prije dana određenog za održavanje sjednice.

Uz poziv za sjednicu dostavlja se zapisnik sa prethodne sjednice i odgovarajući materijal o pitanjima koja su predložena u dnevnom redu sjednice.

U slučaju potrebe i hitnim slučajevima, predsjednik Nadzornog odbora može sazvati vandrednu sjednicu, odmah po pozivu. U ovom slučaju dnevni red se može saopštiti usmeno.

#### **Član 10.**

Sjednici Nadzornog odbora predsjedava predsjednik ili jedan od članova koje on odredi.

Predsjedavajući sjednicom podnosi prijedlog dnevnog reda za sjednicu.

Član Nadzornog odbora može predložiti na sjednici da se određeno pitanje unese u dnevni red.

Dnevni red sjednice Nadzornog odbora utvrđuje se većinom glasova svih članova.

Pripremu materijala za sjednicu Nadzornog odbora vrši pravna služba Kampusu.

#### **Član 11.**

Nadzorni odbor radi i punovažno odlučuje na sjednici na kojoj prisustvuju svi članovi.

O radu sjednice vodi se zapisnik.

Zapisnik potpisuje predsjednik Nadzornog odbora, odnosno predsjedavajući sjednice.

#### **Član 12.**

Nadzorni odbor odlučuje većinom glasova svih članova.

#### **Član 13.**

Glasanje na sjednici Nadzornog odbora vrši se javno, dizanjem ruke.

#### **Član 14.**

U slučaju da se glasanjem ne postigne potrebna većina, glasanje se može ponoviti.

Ako se ni kod ponovljenog glasanja ne postigne potrebna većina, materijal o kome se glasalo će se uputiti na doradu nosiocu izrade materijala.

#### **Član 15.**

U vršenju svojih zadataka Nadzorni odbor donosi zaključke, koje potpisuje predsjednik Nadzornog odbora ili lice koje on ovlasti.

Za izvršenje zaključaka donesenih na sjednici Nadzornog odbora odgovoran je direktor Kampusu.

#### **Član 16.**

Predsjednik Nadzornog odbora stara se o izvršenju odluka Nadzornog odbora, o primjeni ovog Poslovnika i o ostvarivanju prava i dužnosti Nadzornog odbora.

**Član 17.**

Administrativno – tehničke poslove, stručne i druge poslove za potrebe Nadzornog odbora obavljaju lica koja odredi administrativno – pravna i druge službe Kampusu.

**Član 18.**

Ovaj Poslovnik stupa na snagu narednog dana od dana donošenja

**Član 19.**

Stupanjem na snagu ovog Poslovnika stavlja se van snage Poslovnik o radu Nadzornog odbora broj 35-01-02-65/1/07 od 30.11.2007.god.

Broj : 35-01-02- *1030/2* 17

Sarajevo, 30.10.2017.god.

